

Khris' Suangphum

CHURCH
of CHRIST
NEW DELHI

Suangphum Iepkhitsa Ioungal suangphum dang kuamah in a lem theita kei, huai suangphum Jesu Khris' ahi - 1 Kor. 3:11

Vol. XXI. No. 48

Private Circulation

December 1, 2024

FAMILY FELLOWSHIP - II

23rd November 2024

Recorded by Ginlian

Family fellowship a nih vei na nisim 23rd, November 2024 ni in neih hi a. Hiai hun ah Unaute tamkhop, ki thalawptak in kitel thei hi. Dakchiam aging toh kiton in Programme Coordinator Unaupa James in hiai programme gelkholh sa hih tangtung thei ding a hon makaihtu leh hon pitu I Biak Pathian kiang ah kipah thu gen in leh Unaute hiai hun uap ding a paikhawmte tengtung ah leng kipahthu leh vaidawna hun nei hi. Huaiban ah, Programme pai dingdan, morning session, lunch leh afternoon session pai dingdan tomkim in hon pulak hi. Huaizoh in Morning session a conductor dia seh a om Unaupa Kammuanlal kiang ah hun pekhia hi. Zingkal hun a hon makaihtu dingte sim khiak zoh in, conductor in programme pai dingdan hon pulak in amah gen bang in programme pat ahi.

- Unaupa Sei Robert pina in mipi in Phatna Laa sak khawm ahi.
- Huai zoh in Unanupa Thongginlian in mipi sik le taang in Programme zang thei leh nongkaina om lou a Biakna programme zat ahih theihna ding in I Biak Pathian kiang ah kipahthu genna leh ngetna hon nei hi.
- Unaupa Sei Robert makaihna mah in mipi'n Phatna Laa sakhawm nawn hi.
- Phatna Laa sak zoh ahih in, thugentu Unaupa Jamson in zingkal hun a topic dia kipia, **"Lot and His Family in the World"** chih pansan in thugenna hun zang hi. Thugentu in Laisiangthou sung a Lota taangthu akipan zillai lak theih ding thute gen hi. Hiai hun in Unaupa Jamson in Innkuan pen Pathian akipan ahildan, Innkuan paiding dan leh Innkuan bawlina ah Pate, Nute leh Tate'n mohpuakna neihte gen in hasotna leng nei hi. Laisiangthou a Lota-te innkuan akipan zillai lak theih a gen a omte:

1. Na thiltup (intention) hilou in na ngatna / na paina lam (direction) in a mun (destination) hon tun hi: Nu leh Pate'n I tate etkolna ah koi ah poimawhna I pia a? Salam thilte ah hia ahikheileh khalam thilte ah? Koilam nga ding leh koi lam a pai ding in I tate I thuhilh/ I chih a? I kichiilna pen ah I intention sia ahikei maithei, himahleh I poimawh ngaih zawkpen in I tate koilam ah pi ahia, koilam zot pih ahia chih I etchet leh I velchian poimawh ahi. Ei Khristian ten bel Vangam lam ahi I zawt ding uh.

2. Mit a I et leh I muhte mah manpha sa ding i hi: Lot in a thil muhte en in pai hi, huai in manthatna a tun hi. Evi leng a thil muh, a thil et ziah in khem zoh in ana om hi. Eite leng Lota leh Evi bang a I thil et leh muhte ah

khem zoh a om thei i hi. Huaiziah in bang thilte I en a, bangte ah I mit uh a tu sek a chih i kivel chian uh poimawh gige hi. I et thilte ah pilvang ni.

3. Muh theih thil, Khovel thilte in Lot innkuan mangthang sak hi: Lot in a Inkuante Khalam bitna ding en masa lou in salam poimawh thilte a et ziah in apina ding gam teel hi. A innkuan leh gantate khosak nopna ding a geel ziah in huai in mangthang sak hi. Khovel thilte a et ziah in Lot in a neih teng mansuah hi. Dema in Khovel a it ziah in a manthang. Huaiziah in, Nu leh Paten bang I deih ua, bangte I mu ua I ngai sang ua? Salam thilte hia, Khalam thilte?

Khovel thilte a et, deih leh a muh ziah in Lot in a innkuante leh a neih-le-lam tengtung mansuah hi. Huai mah bang in eiten leng khovel thilte ah poimoh na I piak a ahileh mangthang ding i hi. I ngatna, I mit in a muh dia I teel thilte ah pilvang ni. Lot leh a innkuante akipan zillai hoihloute akipan kibawl ni, Lot leh a innkuan pihte bang a manthang mailou ding in thugentu in mipite ngetna leh chialna bawl in thugen zou hi.

4. Thugen nuamtak ngaihkhiait khit in Unaupa Sei Robert pina in mipi'n phatna Laasak kawmna neih ahi.

5. First session zohna ding in Unaupa Lamsuanmung in subuai thei tampite lak a hon vengtu leh hon mapitu I Biak Pathian kiang a kipahthu genna leh annkuang tung ah vualzawlina ngetna ah hon makaih in First session zoh ahi.

Zingkal hun zoh toh kiton in Programme Coordinator Unaupa James in taksa a ding a pomawh ann nek ding dan puang khe ding in Tuanvaite khut a hun pia hi. Tuanvai ten annnek ding dan puankhiak ahih zoh in suun ann lim tak nek ahi.

Sutzop diing...

PLACE OF WORSHIP
 Yusuf Sadan, Secred Heart
 Cathedral, Ashoka Road,
 Delhi - 110001
 Phone No. 9953968807
 website : www.cocdelhi.org

'KHRIS' SUANGPHUM, A WEEKLY BULLETIN FOR
 THE MEMBERS OF THE CHURCH OF CHRIST, DELHI,
 ON THE FIRST DAY OF THE WEEK'
 Enkaitu : Jamson Guite

BIBLE CLASS	
Class	Teacher
Adult	: James, Siamkhanmuan
Inter.	: Biakmang & Jamson
Junior	: Minlun & Suanlian
Primary	: Vungngaihkim & Rose
Beginner	: Chingkhanlun & Rosely

**TOUPA NI'
 THILPIAK**
Date 24.11.2023 = 58,250/-

LAI SIANGTHOU TANGTEL
**"Nou hon itte kia na it un, kipahman bang ahia na muh diing uh?
 Siahkxonmite'n leng huchibang in a hihsam kei ua hia?
 - Matthai 5:16**

THU TUAMTUAM THU TUAMTUAM

Biakna Hunzeek
 Toupa' Ni
 Date 01.12.2024
 Hun-uk thumna : Jamson
 Lapi : Thongginlian
 Thilpiak : Kammuanlal
 Theihgigena : Khamminthang
 Thugen : Thongsiangdong
 Thumna : Janglet

Midweek online Bible Class
 Date 03.12.2024
 Thumna : John Mung
 Sinsaktu : Lindell Mitchell
 Thumna : Kammuanlal

Kiginni
 Date 07.12.2024
 Hun-uk thumna : Siamkhanmuan
 Lapi : Jangminthang
 Thugen : John Mung
 Thumna : Daniel

Toupa' Ni
 Date 08.12.2024
 Hun-uk thumna : Siamkhanmuan
 Lapi : Jangminthang
 Thilpiak : Dongzathang
 Theihgigena : Thangbiaklun
 Thugen : Lang James
 Thumna : Kamkhenhang

EXAM CHIAT NI
 ❖ I Workplan ua i sehsa bang un tuni'n Bible class leh sunday school tengteng in kumtawm exam neih hi diing hi. Piching pawlte'n tukum in The-salonika laikhak khatna sinlel ua, zou-siang zoukei mahleh uh a zohna Chiangchiang exam diing uhi. Piching class a tel tengteng in exam pevek diing a lamet leh theihsak i hi uhi.
 Sunday school lamte'n leng amau class room chiat ah a sinlai uh toh kisai a azohna tantan uh exam chiat diing uhi. Nu leh pate'n leng i tate exam diing ngaih poimoh chiat diing in i kingen ahi. A hun toh kisai ahiehleh nidang a class neih hunsung mah hi diing (10am - 10.45am). Kuapeuh exam nuam chiat ni hang.

DAK 10 MAH HINAWN AHI
 ❖ Toupa ni paisa in amun lemlouh ziak in biakna nitaklam dak 4 a neih ahi a, tuni bel zinglam dak 10 mah hinawn ahi chih i chiamteh chiat diing uh. Bible class exam om masa diing ahiehna ah dak 10 lap diing in i kuan chiat diing uh.

KHAWMPI NEIDEK UH
 ❖ Evangelist a i zat uh unaupa Mungmuanlian apan in December khat tawp lam Chiang in Phuaizang khua a khawmpi nei sawm uh ahiehnan thu kiza hi. Hiai khawmpi ah Behiang leh a sehvel a unau khua tuamtuum a omte kinaihkhawm in hun manphat zang diing uhi. Thugentu diing in Lamka apan in unau thugentute chial sawm uh ahiehnan leng hon zasak hi. Hiai diing in Delhi Saptuum in poimoh a zat diing teng 10,000 khak lem kisa hi. Noptuak mahmah. Manphatak leh lohchingtak a ahon zah zoh uh i deih-sak ua huai diing in i thumnate uah leng i phok chiat diing uh.

MEETING OM DIING
 ❖ A hongtung diing tu kiginni Chiang in saptuum business meeting neih hinawn diing. Tukum a diing a atwpna hita diing a, worplan namkipna leh business vaipaw diing sehna leng om diing hi. Ngaikhok in a tam theilam tel diing in kisa ni.

ANA NGAPLOU UH
 ❖ Kal paita sung in unaupa Siamkhanmuan-te innkuan avek phial un sungkhoh ziak in ngaplou in ana om sauhsauh uhi. Tun ahiehleh Pathian ompihna toh ahoihlam hita uhi.

HONG PHA ZUAL
 ❖ Poimoh khenkhat neih ziak in unaupa Ginsuan in Delhi hong phazual a Toupa ni i lak ua hong zang in kal paita seppatni in a sepna mun Shillong lam ah ana kileh nawn hi.

WEBSITE TOH KISAI
 ❖ Media lam enkai unaute'n Saptuum website (cocdelhi.org) domain hosting kum tamkhop a diing ana renew uhi. I website uah bulletin, article, Kha Namsau, upcoming event leh report banah ah poimoh khenkhat ki upload gige hi. A en utte a diing in chiklaipeuh in ettheih gige hi.

BANGALORE LAM AH
 ❖ Kal paita ningani in unaupa Timothy Jangminthang-te innkuan Bangalore lam ah ana zinkhia uhi. Damleh tukal sung in Delhi hong kileh nawn diing uh hihtuak.

THUPUAN POIMOH
 ❖ Biakna mun neite'n inn tunglam a naupangte akalh diing uh deihlouh uh ahiehnan in naupang neite'n i ta leh naute a tung lam a kal lou diing a etkai poimoh diing hi. Mi mun leh mual zang ihiehnan un kuapeuh pilvang chiat diing inleng i kizasak uhi. Hiai thupuan chiamteh chiat ni.